

Mwinue Juu, Mtu wa Kalvari

Tazama, Mwana-kondoo wa Mungu, aichukuaye dhambi ya ulimwengu!—

Yohana 1:29.

Kanuni ambazo zinapaswa kutuchochea sisi kuwa watendakazi katika kazi ya Mungu zimeorodheshwa na mtume Paulo. Anasema: “Tu-watendakazi pamoja na Mungu.” “Lo lote mfanyalo, lifanyeni kwa moyo, kama kwa Bwana, wala si kwa wanadamu.” Petro anawasihi waumini: “Kila mmoja kwa kadiri alivyoipokea karama, itumieni kwa kuhudumiana; kama mawakili wema wa neema mbalimbali za Mungu. Mtu akisema, na aseme kama mausia ya Mungu; mtu akihudumu, na ahudumu kwa nguvu anazojaliwa na Mungu; ili Mungu atukuzwe katika mambo yote kwa Yesu Kristo.”

Kanuni hizi zinapotawala mioyo yetu, tutagundua kuwa kazi ni ya Mungu, si ya kwetu; kwamba ana uangalizi sawa kwa kila sehemu ya jumla kuu. Wakati Yesu na utukufu Wake anapofanywa kuwa wa kwanza na kuipenda nafsi kunapotokomezwa katika kuzipenda nafsi ambazo Yesu alizifia, ndipo hakutakuwa na mtendakazi atakayetekwa kabisa katika tawi moja la kazi kiasi cha kushindwa kuona umuhimu wa mengineyo....

Tunafundishwa katika Neno la Mungu kwamba huu ndio wakati, zaidi ya nyakati zote, ambapo tunapaswa kutafuta nuru kutoka mbinguni. Ni wakati huu kwamba tunapaswa kutarajia kuburudishwa kutoka kwenye uwepo wa Bwana. Tunapaswa kukesha kwa ajili ya mguso wa upaji wa Mungu kama vile jeshi la Israeli lilivyokesha kwa ajili ya “sauti ya kwenda katika vilele vya miforsadi”—alama iliyopangwa kuwa mbingu ingefanya kazi kwa ajili yao.

Mungu hawezi kujitwalia utukufu kupitia kwa watu Wake wakati wanawategemea wanadamu na kuwafanya wanadamu kuwa ngao yao. Hali yao ya sasa ya udhoofu itaendelea mpaka pale Yesu pekee atakapotukuzwa; mpaka, wao pamoja na Yohana Mbatizaji, watakaposema kutoka kwenye mioyo ya upole na kwa kicho: “Yeye hana budi kuzidi, bali mimi kupungua.” Nimepewa maneno ya kuwaambia watu wa Mungu: “Mwinueni Juu, Mtu wa Kalvari. Hebu ubinadamu ubaki nyuma, ili kwamba wote waweze kumwona Yeye ambaye Kwake tumaini lao la uzima wa milele linapatikana. Anasema nabii Isaya: ‘Maana kwa ajili yetu mtoto amezaliwa, Tumepewa mtoto mwanamume; Na uweza wa kifalme utakuwa begani mwake; Naye ataitwa jina lake, Mshauri wa ajabu, Mungu mwenye nguvu, Baba wa milele, Mfalme wa amani.’ Hebu kanisa na ulimwengu wamtafute Mkombozi wao. Hebu kila sauti itangaze pamoja na Yohana: ‘Tazama Mwana-Kondoo wa Mungu, aichukuaye dhambi ya ulimwengu.’”

Chemchemi ya maji ya uzima inafunguliwa kwa ajili ya nafsi yenye kiu. Mungu anaweka wazi, “Nitamimina maji juu yake aliye na kiu, na vijito vya maji juu ya mahali pakavu.” Kwa nafsi ambazo zinatafuta kwa bidii ile nuru na zile zinazopokea kwa furaha kila muale wa nuru ya Mungu kutoka kwenye Neno Lake Takatifu, kwa hao tu nuru itatolewa. Kwa kupitia watu hawa kwamba Mungu atafunua ile nuru na uwezo ambao utaiangazia dunia yote kwa utukufu Wake

(*Testimonies for the Church* 5:726-729).